

"Hey...Ta Pasco!" Vol 3

Edjean Semeleer ta cla pa brinda Aruba un otro joya musical

ORANJESTAD - Manera Klip Klap a informa bo algun siman atras, e hoben cantante Edjean Semeleer lo ta preparando un regalo pa e pueblo di Aruba, y porfin esaki ta kedando cla y ta keda presenta y batisa otro siman, diaranson 23 di November na e Renaissance Festival Area (Pa zuid di Renaissance Conference Center).

"Hey...Ta Pasco!" Vol 3 lo ta otro produccion di calidad halto y di nivel internacional cu ta conta cu participacion di

diferente cantante conoci den nos comunidad cu lo compania e hoben cantante.

Mientras cu e musiconan cu ta demostra nan talento y profesionalismo riba e produccion aki entre otro ta Ivan Quidus, Delbert Bernabela, Juan Carlos Petit, Doodle Sophia, Hildward Croes, Rickey Geerman, Juan Tromp, Maikol Lugo, Chucho Hoek, Papito Rafael y asina nos por sigui menciona.

Un produccion cu tin un total di 12 tema musical, cu ta in-

clui tambe e hit di e temporada aki, cu ta e "Bus di Alegria" cual ta e tema promocional di e disco compacto aki.

For di Edjean mes nos a comprende cu e ta sumamente satisfecho con e produccion aki ta kedando y ta ansioso pa laga Aruba tende tur loke tin riba e CD cu lo mester ta den bo coleccion e fin di aña aki.

Edjean kier a gradici tur esnan cu di un of otro forma a yuda den realisacion di proyecto aki y kier a bisa Aruba ...



Danki pa e sosten y apoyo di semper.

Un invitacion ta bai na tur esnan cu kier asisti na e bautismo pa tuma esaki como un invitacion personal y asisti pa mira un otro proyecto treci dilanti. Lo bo wordo deleita pa un show di 3 ora largo. Un celebracion completo!

Cu e produccion di "Hey...Ta Pasco!" Vol 3 tambe Edjean

kier a sera 2005 cu broche de oro, debi cu e plannan pa otro aña lo ta mas grandi ainda, cu produccionnan y conciertonan grandi planea.

Nos di Klip Klap kier a desea Edjean Semeleer tur clase di exito cu e bautismo di su CD y nos ta sigur cu e lo haña un bon lugar den tur hogar aki na Aruba....Percura pa bo tey presente, otro siman diaranson, dia 23!!